

Université Adventiste Zurcher

P. K. 135, RN7, Sambaina, Antsirabe 110, Madagascar

PERSPECTIVES



Fanontana 2025

FAMPIDIRANA

Ny Université Adventiste Zurcher dia toeram-pampianarana ambony naorin'ny Fiangonana Advantista Mitandrina ny Andro Fahafito ho fanampiana, voalohany indrindra, ireo mambra ny fiangonana Advantista mitandrina ny andro fahafito eto amin'ny Fivondronamben'ny Ranomasimbe Indianina . Ankoatr'izay, ny Oniversite dia mandray ireo mpianatra avy amin'ny antokom-pivavahana rehetra sy ny toerana rehetra, ary koa ireo avy amin'ny fiaviana, foko, saranga sy kolontsaina rehetra.

NY TANTARANY

Naorina tamin'ny taona 1995 ny Université Adventiste Zurcher, taorian'ny faharavan'ny Adventist University of Central Africa tao Rwanda tamin'ny taona 1994. Ho solon'izany, ny Diviziona Afrika Atsimo eto amin'ny ranomasimbe Indiana dia nifidy ny hanokatra ivontoerana efatra manerana ny faritra miteny frantsay ao amin'ny faritra misy azy. Ny iray ao Kamerona, iray any amin'ny Repoblika Demokratikan'i Congo, iray tany Rwanda, ary iray teto Madagasikara. Tamin'ny faran'ny taona 1996, nanokatra ny varavarany ho an'ny mpianatra teolojia miisa 35 ny Oniversite, ary niantrano vonjimaika tao amin'ny tranon'ny Misionan'ny Ranomasimbe Indianina tao Antananarivo.

Nifindra tany Antsirabe ny Oniversite ny taona nanaraka, ary nanofa trano ampahany tao amin'ny foibe fanofanana Katolika. Tamin'ny taona 1998 no nifindran'ny Oniversite teo amin'ny toerana misy azy ankehitriny, tany tsara tarehy mirefy 200 hektara, eo amin'ny lalam-pirenena fahafito eo anelanelan'Antananarivo sy Antsirabe.

Nanomboka tamin'ny Jolay 1998 ny fanorenana ary nitohy hatramin'ny martsa 1999 nialohan' ny nahafahan'ny Oniversite nanokatra ny varavarany ny taona fahatelo. Tamin'ny 25 Martsa 1999, dia ampy nanombohan'ny mpianatra sy ny mpiasa ny fampianarana ny fandrosoan'ny fanorenana.

Manana sampam-pampianarana valo ny Oniversite amin'izao fotoana izao, dia ny Fitantanana, Fifandraisana, Informatika, Fanabeazana, Fiofanana ho mpitsabo mpanampy, Haiteny Anglisy, Lalàna, Teolojia, ary manolotra programa akademika hahazoana License (telo taona), na Masters (dimy taona).

FILOZOFIA

Mifototra amin'ny fampianarana sy ny soatoavina kristiana araka ny fahatakarana'ny Fiangonana Advantista Mitandrina ny Andro Fahafito azy ny Oniversite Advantista Zurcher. Andriamanitra dia heverina ho Mpamorona sy loharanon'ny fahaizana amam-pahalalana. Ny fanabeazana marina dia faritana ho fivoarana mirindra eo amin'ny lafiny ara-tsaina, ara-panahy, ara-tsosialy ary arabatana amin'ny maha-olombelona.

TENY FOTOTRA

Fanambarana iraka

Ny Université Adventiste Zurcher, Ivontoeram-pampianarana Kristiana Advantista Mitandrina ny Andro Fahafito, dia manomana ny mpianany ho mpitarika manova amin'ny faniriana fahalalàna sy faniriana ny fon'Andriamanitra.

Vina

Manova ny mpitondra rahampitso anio.

Soatoavina fototra

Fianakaviana - Miasa toy ny fianakaviana iray izahay ato amin'ny UAZ, ny fihavanana no mampifamatotra ny fianakaviana ary ny olona tsirairay dia raisina ho rahalahy na anabavy ka Andriamanitra no Ray.

Ny fon'Andriamanitra - Izahay ato amin'ny UAZ dia manome lanja izay mety ho fahaizamanaon'ny hafa sy mitondra ny olona araka ny hitondran'Andriamanitra antsika ary mahita ny tenantsika ho mpitantana izay nankinin'Andriamanitra amintsika.

Fanovàna –Mikatsaka ny ho mpiasan'ny fanovana sy mpampiofana ireo ho mpiasan'ny fanovana izahay ato amin'ny UAZ.

PAIKADY FOTOTRA

Mba hahatratrarana sy hiazonana ny ho avy iriany, ao anatin'ny tontolon'kevitra ny iraka ataony, ny Université Adventiste Zurcher (UAZ) dia tarihin'ny paikady fototra fito.

1. Kalitao

Hiezaka hanome fampianarana sy tolotra fakan-tahaka ho an'ny mpianatra ny UAZ. Ireo nahazo mari-pahaizana dia tena hahay ary hanana ny fahalalàna, ny toe-tsaina ary ny soatoavina izay sarobidy indrindra amin'ny mpampiasa sy ny sekoly nahazoany ny diplaoma. Amin'ny fanomezan-toky ny amin'ny hatsaran'ny fomba fampianarany, ny Oniversite dia hamolavola vondrom-piarahamonina mianatra izay tena ilaina tokoa ary hikorokolo kolontsaina mahay mandanjalanja izay hitondra fahaiza-manapakevitra.

2. Maniry ny fon'Andriamanitra

Amin'ny maha Oniversite Advantista Mitandrana ny Andro Fahafito azy, ny UAZ dia hamporisika ny mpampianatra, ny mpiasa ary ny mpianatra haniry ny fon'Andriamanitra mba hiaroka sy hanavao ary hampitombo ny fahatakarany ny anjara asa fototry ny Soratra Masina eo amin'ny diany ara-pinoana manokana sy ny diany eo amin'ny sehatry ny fianarana.

3. Fanompoana

Tian'ny UAZ raha fantatra amin'ny maha olona mirotsaka amin'ny fiainam-panompoana azy ny mpiasa, ny mpianatra ary ny maintimolaly tsirairay. Amin'ny alàlan'ny fandaharam-pianarana akademika sy ireo fandaharana hafa ivelan'ny fandaharam-pianarana, ny Oniversite dia hamporisika ny fampivoarana ny toe-tsaina feno fangorahana sy fiahiana mandritra ny androm-piainana. Ao amin'ny laharam-pahamehany, ny Anjerimanontolo dia hamolavola vondrom-piarahamonina iray izay manao ny asa fanompoana ho an'ny hafa ho tena zava-dehibe.

4. Fitarihana

Ao amin'ny UAZ, ireo tombotsoan'ny fandaharam-pianarana sy ny hetsika atao ivelan'ny fandaharam-pianarana dia hanantitrantitra ny fifantohan'ny Oniversite amin'ny fampivelarana ireo mpitarika manana saina izay afaka manova izao tontolo izao. Manana ary hanome mpitarika ho an'ny sendikan'ny ranomasimbe Indianina ny oniversite. Hampivelatra am-pahavitrihana ihany koa ny fahaiza-manao sy ny toe-tsaina izay hanampy ireo nahazo diplaoma ho mpitarika eo amin'ny fiaraha-monina sy ny toeram-piasany.

5. Fianakaviana

Manome lanja ambony ny fianakaviana UAZ. Ny fanomezana ireo mpianatra izay heverina fa ilainy ho an'ny trano fonenana dia manampy betsaka azy ireo amin'ny fahatsapana ho tafiditra ao anaty tokantrano iray. Noho ny fijoroany, ny Anjerimanontolo dia handray ho toy ny fianakaviany ireo vondrom-paritra isan-karazany, anisan'izany ny maintimolaly, ny fiangonana ary ny vondrom-piarahamonina eo an-toerana.

6. Fitomboana

Toeram-pampianarana mivoatra UAZ. Mitaky fitantanana manara-penitra amin'izany fitomboana izany ny fahombiazany amin'ny hoavy. Ny fanitarana ny fandaharam-pianarana dia mitaky fandrosoan'ny toeram-pianarana, ny Oniversite kosa etsy andaniny dia manohy mijery ny andraikiny voalohany amin'ny fitomboan'ny mpianatra: ara-akademika, ara-batana ary ara-panahy.

7. Fahazakan-tena ara-bola maharitra

Laharam-pahamehana ny fahazakan-tena ara-bola ao amin'ny UAZ. Ny fitadiavana mpiaramiombon'antoka ara-bola dia hanampy amin'ny famokarana tontolo ara-bola tsy misy atahorana. Ny tontolo toy izany dia ahafahana manatanteraka ireo paikady sy ny tanjon'ny ivontoeram-pampianarana. Fanampin'izay, hamelona indray ny maha izy azy ny Oniversite ary ny fanavaozana eo amin'ny fanaovana drafitra.

FANKATOAVANA

Ny Université Adventiste Zurcher dia eken'ny Adventist International Accrediting Association. Ankoatra izay, nanome fankasitrahana ny fandaharan'asany ny fanjakana Malagasy.

ZAVA-MISY ANKEHITRINY

Manana trano roa hampiantranoana ireo mpianatra kilasimandry UAZ. Ny trano fatoriana hoan'ny zazalahy dia afaka mandray mpianatra miisa 80 misy 3-4 isaky ny efitrano. Ny trano fatoriana hoan'ny zazavavy dia afaka mandray mpianatra 68 misy 4-5 isaky ny efitrano. Amin'izao fotoana izao dia manana kilasimandry zazalahy 45 sy kilasimandry zazavavy 51 izahay.

Betsaka amin'ireo mpianatsika, indrindra fa ireo mpianatry ny Teolojia, no mipetraka ivelan'ny toeram-pianarana satria, na dia 2 340 000 Ar monja aza ny hofan'ny trano sy ny fisakafoanana mandritra ny taom-pianarana iray manontolo, dia sahirana izy ireo manampy izany vola izany amin'ny saram-pianarana. Amin'ny maha-firenena mahantra sy tsy dia nahita fianarana an'i Madagasikara eo amin'ny sehatra maneran-tany, dia tsy manana fahafahana hampiakatra be ny saram-pianarana ny UAZ satria mety hanakana ny tanora maro tsy hahazo fianarana any amin'ny Oniversite Advantista izany.

Izany zava-misy izany dia manakana ny Oniversite amin'ny fanatanterahana tetikasa goavana, indrindra ny fananganana trano maoderina sy ny fampitaovana azy ireo, ny fananana trano sahaza ho an'ny mpianatra sy ny mpiasa, ny famolavolana hetsika vaovao.

Izany no antony hitodihana any amin'ireo namana izay afaka manampy anay amin'ny tetikasa iray na maromaro hahatonga azy ireo ho tñan'Andriamanitra hanampy ny AUZ. Izany no tao antsain'i Paoly rehefa nanoratra ny taratasiny faharoa ho an'ny Korintianina izy (toko faha-8 manokana). Ao no anehoany ny fanambaran'ny fiangonana any Makedonia izay nanome maimaimpoana ho an'ny fiangonana tany Jodia. Avy eo izy dia mangataka ny fiangonana any Korinto mba handray

anjara amin'io tetikasa io sy naneho ny fomba hitantanana ny vola. Notohizany ao amin'ny toko faha-9 sy ireo andininy malaza, faha 6 ka hatramin'ny faha-8:

“Tsarovy izao: Izay mamafy kely dia hijinja kely, ary izay mamafy be dia hijinja betsaka. Aoka samy hanome araka izay nikasan'ny fonareo homena ianareo, tsy amin'ny alahelo na amin'ny fanerena, fa ny mpanome amin'ny fifaliana no tian'Andriamanitra. Ary Andriamanitra mahay mitahy anareo mihoatra, mba hanananareo izay rehetra ilainareo mandrakariva, ka hitombo amin'ny asa tsara rehetra.”.

TETIKASA

Ankasitrananay feno ny fandraisanao anjara amin'ny tetikasa telo maika ianao:

_ **TRANO HOAN'NY KILASIMANDRY ZAZALAHY.** Tamin'ny taon-dasa, noho ny haintrano, dia nisy ny faharavan'ny trano sasany ho an'ny mpianatra zazalahy. Ny tanjonay amin'ity trano vaovao ity dia ny handraisana mpianatra 128 ao amin'ny trano misy rihana telo ka mpianatra 4 isaky ny efitrano. Izany dia ahafahantsika mampihena ny vidin'ny trano sy manome ny mpianatra ny fitaovana tsy ananany rehefa mipetraka ivelan'ny toeram-pianarana izy(rano amin'ny paompy, jiro, aterineto, tranomboky, sns.). **Vidiny: 1 400 000 000Ar.**

_ **TRANO ENINA HOAN'NY MPIASA.** Ny sasany amin'ireo mpampianatra raikitra dia tsy maintsy mipetraka ivelan'ny ivon-toerana satria tsy manana trano ampy izahay, sarotra tokoa anefa ny toe-java-misy iainan'izy ireo any ivelan'ny ivontoerem-pampianarana. **Vidiny: 95 000 000 Ar isaky ny trano, total: 570 000 000 Ar.**

_ **TRANO FANDRAISAM-BAHINY.** Ny vahiny sy ny mpitsidika dia mipetraka ao amin'ny trano fiangonana taloha tao amin'ny Oniversite, izay niova ho efitra fatoriana. **Vidiny: 240 000 000 Ar.**

Ny tetikasa hafa mety tianao hanohanana:

_ **Vatsim-pianarana.** Noho ny olana ara-toekarena misy eto Madagasikara amin'izao fotoana izao dia maro amin'ireo mpianatra mendrika no sahirana amin'ny fitadiavana ny vola hianarany. Ho an'ny mpianatra vao handranto fianarana, ny fidirana ho mpianatry ny Oniversite amin'ity taom-pianarana ity dia mitentina manodidina ny 3 000 000 Ar. Mety maniry ny hanohana mpianatra iray na maromaro ianao, amin'ny fomba feno na ampahany.

_ **Ny angovo azo avy amin'ny masoandro izay loharanon-kery lehibe.** Mivadika ho angovo maitso ny tontolontsika. Ny fandraisana anjara amin'ity dingana ity sy ny fizakan-tena dia hanampy antsika hamaha ny olan'ny tsy fahampian'ny herinaratra sy ny fanalana ny vesatra izay manakana ny fampandehanana ara-dalàna ny oniversitentsika. **Vidiny: 350 000 000Ar.**

_ **Tranoben'ny fitantanana-draharaha.** Kely loatra ny ankehitriny satria efa tena midadasika ny asan'ny Oniversite. **Vidiny: 470 000 000 Ar.**

_ **Efitrano fianarana sy birao hoan'ny mpampianatra.** Amin'izao fotoana izao dia mahatratra ny fetra ny isan'ny efitrano fianarana ary tsy manana birao manokana ahafahany miasa sy mihaona amin'ny mpianatra ny mpampianatra. **Vidiny: 470 000 000 Ar.**

_ **Trano hoan'ny kilasimandry zazavavy.** 4-6 isaky ny efitrano ny zazavavy amin'izao fotoana izao ary tianay ny hanome azy ireo lafim-piainana tsara kokoa mandritra ny fandalovany ato amin'ny UAZ. **Vidiny: 1 400 000 000 Ar.**

_ **Sinibendrano lehibe.** Ilaina izy ireo indrindra mandritra ny vanim-potoanan'ny main-tany. **Vidiny: 47 000 000 Ar.**

_ **Tranoben'ny mpianatra, misy biraon'ny Fikambanan'ny Mpianatra.** Amin'izao fotoana izao dia tsy manana toeram-pivoriana ny mpianatra afa-tsy ao an-dakilasy na any ivelany. **Vidiny: 470 000 000 Ar.**

_ **Toeram-pikarohana momba ny haiteny ao amin'ny tranomboky.** Ny ankamaroan'ny mpianatra dia sahirana amin'ny teny frantsay sy teny anglisy izay teny ampiasaina amin'ny

fampianarana. Mila fitaovana ahafahany manao fanazaran-tena sy manatsara izany izy ireo..
Vidiny: 47 000 000 Ar.

_ **Trano ho an'ny mpianatra manambady.** Amin'izao fotoana izao dia tsy manana trano ho an'ny mpianatra manambady izahay satria tsy ampy ho an'ny mpiasa ny fahafahanay. **Vidiny: 25 000 000 Ar isaky ny trano.**

_ **Trano manokana natao ivoriana na Auditorium.** Ny trano fivoriana ny Fiangonana no toeram-pivoriana saingy voafetra ihany ny fahafahany. Raha tsy izany, amin'ny lanonana fizarana diplaoma dia mampiasa toerana malalaka izahay izay tsy mety amin'ny fivoriana tsy tapaka, indrindra amin'ny vanim-potoanan'ny orana. **Vidiny: 470 000 000 Ar.**

_ **Tafo sy trano fidiovana hanaovana toeram-panatanjahantena.** Ilaina izany mba hiarovana ny mpianatra amin'ny hafanana amin'ny fotoanan'ny main-tany sy ny orana amin'ny fotoanan'ny orana. **Vidiny: 95 000 000 Ar.**

_ **Kafeteria.** Misy lalana manasaraka ny lakozia sy ny trano fisakafoanana. Ity tranobe ity dia tokony havadika ho ivon-toeram-panatanjahantena, ary ny trano fisakafoanana vaovao misy fitaovana sy mitambatra dia hanampy amin'ny fiainana ara-tsosialy. Efa nanampy anay tamin'ny fanombohana fandaharanasa biogas ny ADRA Madagascar. **Vidiny: 280 000 000 Ar.**

_ **Ny lalana lehibe ato amin'ny ivontoerana dia (1 km).** Amin'ny vanim-potoanan'ny orana dia feno fotaka sy malama io lalana io, ary feno vovoka kosa rehefa maina. Ireo toe-javatra roa ireo dia miteraka olana ara-pahasalamana ary mety hampidi-doza ho an'ny mpianatra, ankoatra ny fahadiovan'ny trano. **Vidiny: 210 000 000 Ar.**

FAMINTINANA

Ry namana malala,

Mila ny fanampiana izahay! Mila ny fandraisanao anjara ara-bola izahay mba hahatanteraka ny fampandrosoana ny oniversitentsika. Manasa anao izahay mba hiaraka aminay sy ho anisany, hahita ny Zurcher malalantsika hitombo sy hivoatra satria amin'ny alalan'ny fanabeazana Advantista dia hisy tombotsoa lehibe ho an'ny tanora marobe, hahafahany hanompo ny fiangonany, ny fiaraha-monina ary ny fireneny, ary koa hanome fiainana tsara kokoa ho an'ny fianakaviany.

Mifandraisa aminay amin'ireto rohy sy laharana manaraka ireto:

Université Adventiste Zurcher

PK 135, RN7, Sambaina, Antsirabe 110, Madagascar

+261 34 18 810 86

@: uaz.rector@zurcher.edu.mg

financedir@zurcher.edu.mg

Banky: BMOI ANTIRABE Madagascar

Anarana: UNIVERSITE ADVENTISTE

ZURCHER,

VOHITSOA

ANTSAMPANIMAHZO ANTIRABE 110


Adiresy: Lot 22 K 10, Tsarasaotra



IBAN: MG46 00004 00006 0701120012832

BIC: BMOIMGMG

ANTONTAN-TARATASY

DRAFITRY NY TRANO HOAN'NY KILASIMANDRY ZAZALAHY






EFITRANO NY TRANO HOAN'NY KILASIMANDRY ZAZALAHY




EFITRANO NY TRANO HOAN'NY KILASIMANDRY ZAZAVAVY



TETIKASA NY TRANO ENINA HOAN'NY MPIASA



VUE EN PLAN



FIDIRAN'NY ONIVERSITE



FIANGONANA



KIANJA FANATANJAHAN-TENA/AGORA



KAFETERIA (HAVIA), LAKOZIA (HAVANANA)

